

Manifesto Gerakan Sedunia Menentang Isu Ketiadanegaraan

Kami adalah sebuah komuniti global, terdiri daripada orang tanpa kewarganegaraan, aktivis, organisasi dan individu bersekutu, yang berdedikasi untuk menghapuskan isu tanpa kewarganegaraan, mencapai hak kewarganegaraan sama rata, dan merealisasikan hak asasi manusia semua orang tanpa kewarganegaraan.

Kami bersatu demi berjuta-juta orang yang dinafikan hak kewarganegaraan dan menanggung kehidupan tanpa kewarganegaraan, dan ramai lagi yang terancam kehilangan hak kewarganegaraan mereka.

Kami mengiktiraf dan menegaskan kemanusiaan berkongsi dan kesamaan martabat serta hak seluruh manusia.

Kami berpusatkan mereka yang terjejas secara langsung akibat tanpa kewarganegaraan sebagai pemimpin pergerakan kami, dengan mengiktiraf kepentingan kepakaran dan pengalaman hidup mereka untuk misi kami.

Kami komited kepada pemerintahan saksama, ketelusan, refleksi sendiri secara kolektif dan akauntabiliti antara satu sama lain.

Kami berdiri bersama dalam perpaduan, memilih dengan berani kerjasama inklusif dan egalitarian, memimpin dengan kebaikan, kesabaran, dan saling hormat menghormati.

Kami berusaha untuk berkomunikasi dengan cara yang boleh diakses oleh semua.

Kami percaya pada potensi transformasi sosial untuk merealisasikan dunia yang bebas daripada diskriminasi, yang merupakan punca utama tanpa kewarganegaraan. Kami sedar bahawa ini hanya boleh dicapai dengan menuntut mereka yang berkuasa untuk bertanggungjawab dan mengejar perubahan struktur.

Kami berazam untuk meningkatkan dan menguatkan suara orang tanpa kewarganegaraan di peringkat antarabangsa, serantau dan nasional, untuk mempengaruhi penggubal dasar, mendidik masyarakat secara amnya, dan mendorong perubahan global.

Kami berhasrat untuk mewujudkan dinamik baharu yang memperkasa orang tanpa kewarganegaraan, mengalakkan pemahaman yang lebih mendalam tentang kemanusiaan berkongsi kita, dan merangsang tindakan untuk menegaskan hak kewarganegaraan untuk semua.

Kami mewujudkan dan memupuk hubungan dalam kalangan individu dan komuniti yang terjejas akibat tanpa kewarganegaraan dan sekutu masyarakat sivil, membentuk ruang yang selamat dan

berani untuk dialog, bercerita, perkongsian maklumat dan pengetahuan, serta inisiatif advokasi bersama.

Kami maklum akan punca-punca dan kesan-kesan tanpa kewarganegaraan yang saling bertindih dan sedar bahawa kejayaan pergerakan kami adalah berkaitan secara intrinsik dengan pergerakan keadilan sosial yang lain. Kami komited untuk bekerja untuk berhubung, bersekutu dan melibatkan pelbagai pelaku keadilan sosial dari peringkat akar umbi hingga ke peringkat antarabangsa.

Kami membayangkan dunia di mana hak asasi manusia sejagat - termasuk hak kewarganegaraan - dihormati dan didukung untuk semua.

Kami yakin bahawa menangani punca tanpa kewarganegaraan dan merealisasikan visi kami untuk dunia akan bermanfaat untuk manusia secara keseluruhannya.